

Radøy kommune

Saksframlegg

Saknr	Utval	Type	Dato
033/2017	Formannskapet i Radøy	PS	04.05.2017
022/2017	Kommunestyret i Radøy	PS	11.05.2017

Sakshandsamar	Arkivsaknr.:	Dokumentnr.:
Sveinung Kvamme	16/140	17/5194

Disponering av mindreforbruk 2016

Saksopplysingar:

Bakgrunn

Årsrekneskapen for 2016 syner eit mindreforbruk på kr 13.173.445,- og er ført i balansen som udisponert overskot, i balansegruppe 2.56. Det er berre kommunestyret som kan gjera vedtak om disponering av dette mindreforbruket.

Vurdering

Før disponering av mindreforbruk frå 2016 er det bokførte disposisjonsfondet kr 4.304.205. Av dette er kr 1.006.000 såkalla fritt disposisjonsfond, resten er «øyremerka» særlege tiltak.

Disposisjonsfondet er ikkje eit «verna» fond, og dersom driftsrekneskapen seinare år syner meirforbruk, skal disposisjonsfondet nyttast til å dekka opp. Dette gjeld også dei delane av disposisjonsfondet som kommunestyret har øyremerka. Øyremerking er såleis å sjå på som ei prioritering av midlar «i gode tider».

Rådmannen meiner i utgangspunktet at heile mindreforbruket frå 2016 skal setjast til eit fritt disposisjonsfond, for å auka kommunen sin økonomiske handlefridom og styrkja eigenkapitalen.

Kommunestyret står sjølv sagt fritt til å bruka av disposisjonsfondet, men rådmannen vil på det sterkeste rå frå at ein set i verk tiltak som fører til permanent auka driftsnivå.

I årsmeldinga for 2016 har rådmannen på side 3 kommentert at motteke **integreringstilskot** for 2016 vart om lag 2,4 mill høgare enn føresett, fordi kommunen tok i mot fleire flyktningar enn føresett. Mange av desse kom seint på året, men utløyste likevel full tilskot for 2016, medan kostnadene kjem på i løpet av 2017. Rådmannen meiner difor det må vera rett å setja av desse 2,4 mill på øyremerka disposisjonsfond, konto 2.56080.615 for bruk til integreringsarbeid i 2017. Rådmannen får fullmakt til å disponera fondet i samsvar med føremålet.

Av budsjettvedtaket for 2017 går det fram at kommunestyret vil vurdera løying til lærebøker i skulane i samband med disponering av årsresultatet for 2016. Ut frå dette signalet meiner rådmannen at det bør setjast av ein sum til **undervisningsmateriell** i skulane. Grensegangen mellom lærebøker og anna undervisningsmateriell er flytande, og det bør vera opp til den einskilde skule å vurdera kva type læringsmateriell som er mest tenleg for skulen. Rådmannen meiner også det må vera greitt å løyva ein sum pr elev, for å gjera fordelinga mellom skulane enklast råd. Rådmannen meiner at ein sum på kr 1.000 pr elev må vera høveleg. Pr 20.04.2017 hadde skulane i Radøy 626 elevar, som gir ein samla sum på kr 626.000. Rådmannen rår såleis til at kr 626.000 vert sett av på

konto 2.56080.630 undervisningsmateriell, for bruk i 2017. Rådmannen får fullmakt til å disponera fondet i samsvar med føremålet.

Lindås, Meland og Radøy har vedteke **bygging av ny kommune** frå 1.1.2020. Prosessen har starta opp, og rådmannen ser at det vil vera trøng for å setja inn ekstra ressursar i Radøy kommune frå no og ut 2019. Det skal gjerast omfattande arbeid med kartlegging, strukturering og harmonisering av prosessar, system, kompetanse, avtalar, mv. Ein god del av arbeidet skal utførast i den nye prosjektkommunen ved bruk av statlege tilskotsmidlar. Men mykje arbeid må også gjerast i dei eksisterande kommunane, samstundes som drifta skal halda fram på vanleg måte. Dei statlege midlane vert truleg berre nytta i den nye prosjektorganisasjonen, og kommunane må sjølve «finna» midlar til å gjennomføra prosessane i kvar einskild kommune. I tillegg bør det gjerast eit arbeid for å kunne synleggjere og ta i vare Radøy sine interesser gjennom styrka planarbeid og ulike kartleggingar i tida fram mot samenslåinga.

Rådmannen ber difor kommunestyret om å setja av 3 mill på øyremerka disposisjonsfond 2.56080.700 Omstilling ny kommune 2020. Rådmannen får fullmakt til å disponera fondet i samsvar med føremålet.

Rådmannen sitt framlegg til vedtak:

Mindreforbruk frå 2016 kr 13.173.445 vert disponert slik:

Avsett til fond integrering av flyktningar, konto 2.56080.615, kr 2.400.000

Avsett til fond undervisningsmateriell, konto 2.56080.630, kr 626.000

Avsett til fond omstilling til ny kommune, konto 2.56080.700, kr 3.000.000

Avsett til fritt disposisjonsfond konto 2.56080.001, kr 7.147.445

Rådmannen får fullmakt til å disponera konto 2.56080.615, 2.56080.630 og 2.56080.700 i samsvar med føremålet.

Formannskapet i Radøy - 033/2017

FS - handsaming:

Ordførar Jon Askeland sette fram følgjande felles endringsframlegg:

Rådmannen sitt framlegg vert vedteke med følgjande endring:

Avsett til fond omstilling til ny kommune, konto 2.56080.700, - kr 4.000.000

Avsett til fritt disposisjonsfond konto 2.56080.001, kr 6.147.445

Rådmannen sitt framlegg til vedtak, med endringsframlegg sett fram i møte, vart samråystes vedteke.

FS - vedtak:

Mindreforbruk frå 2016 kr 13.173.445 vert disponert slik:

Avsett til fond integrering av flyktningar, konto 2.56080.615, kr 2.400.000

Avsett til fond undervisningsmateriell, konto 2.56080.630, kr 626.000

Avsett til fond omstilling til ny kommune, konto 2.56080.700, kr 4.000.000

Avsett til fritt disposisjonsfond konto 2.56080.001, kr 6.147.445

Rådmannen får fullmakt til å disponera konto 2.56080.615, 2.56080.630 og 2.56080.700 i samsvar med føremålet.

Kommunestyret i Radøy - 022/2017

KS - handsaming:

Roy Bø (FrP) meiner det er behov for eit fond på 250.000 kroner øyremerket tiltak for ungdom med særskilde behov. I KS-sak 19/2017 vart dette fondet fordelt på fleire grupper til inkludering og integrering.

Bø sette difor fram følgjande forslag:

Det vert oppretta eit nytt fond på kr 250.000,- til bruk for unge med særskilde behov.

David Pletten Aasgard (KrF) sette fram følgjande framlegg:

- auka sum til undervisningsmateriell i skulane til kr 1 mill.
- starta planarbeid til småbarnsavdeling ved Austebygd barnehage

Else Marie Skartveit Dale (KrF) sette fram følgjande framlegg:

- setja av kr 250.000 til administrasjon i Radøy sokn for arbeid med å byggja nytt fellesråd
Leif Taule (SP) gav signal frå samarbeidspartia (SP/AP/KrF) om at skulebudsjetta er for tronge. Taule gjorde det klart at samarbeidspartia i samband med revidert budsjett er klart til å leggja inn pengar til tre-delt klassedeling på 9. klasstrinnet til hausten og til styrking av barneskular med store klassar. Taule peika også på verbpunkta knytt til pleie og omsorg i 2017-budsjettet, mellom anna eit breiare dagtilbod som omfattar alle heimebuande eldre.

Morgan Taule (AP) kom med innspel om å gjera noko med dei mange bilvraka som forsøplar fleire stader på Radøy. Han ønskete å gje signal til om at han er villig til å bruka kommunale midlar for å setja inn tiltak mot dette.

Kenneth Taule Murberg (H) sa at Høgre ikkje motset seg innspel og framlegg som er sett fram i møtet, men ser behovet for ei grundig og faktabasert utgreiing før realitetshandsaming.

Han kom med følgjande stemmeforklaring:

Høgre ønskjer at framlegga blir tatt opp til handsaming i revidert budsjett med ei grundig saksutgreiing frå administrasjonen.

Etter drøfting vart det røysta over KrF sine framlegg:

- Framlegg om å auka undervisningsmateriell til kr 1 mill. vart samrøystes vedteke
- Framlegg om å starta planarbeid for småbarnsavdeling ved Austebygd barnehage vart samrøystes vedteke.
- Framlegg om å setja av kr 250.000,- til administrasjon ved Radøy sokne for arbeid med å byggja nytt fellesråd, fekk to røyster (KRF) og fall.

Kommunestyret vedtok samrøystes formannskapet si tilråding med dei endringar som vart gjort i møtet.

KS - vedtak:

Mindreforbruk frå 2016 kr 13.173.445 vert disponert slik:

Avsett til fond integrering av flyktningar, konto 2.56080.615, kr 2.400.000

Avsett til fond undervisningsmateriell, konto 2.56080.630, kr 1 mill.

Avsett til fond omstilling til ny kommune, konto 2.56080.700, kr 4.000.000

Avsett til fritt disposisjonsfond konto 2.56080.001, kr 5.773.445

Rådmannen får fullmakt til å disponera konto 2.56080.615, 2.56080.630 og 2.56080.700 i samsvar med føremålet.